

Na Presidente di Parlamento
Sr. drs. Pauldrick Croes

Aruba, 19 november 2012

STATEN VAN ARUBA
Ingek. 20 NOV 2012
Volgnr.: IS/180/12-13



Topico: preguntanan relaciona cu Vader Piet

Respetable Sr. Presidente,

Pa medio di e carta aki mi kier haci un peticion na bo persona pa entrega e siguiente pregunta na Minister di Finanzas, a base di articulo III.17 di nos Constitucion y articulo 59 di e Reglamento di Ordo di Parlamento.

Atentamente,



mr. Xiomara Ruiz-Maduro

Preguntanan pa Minister di Finanzas

Den e dlanan nos dilanti Parlamento mester bay debati riba e secundo parke di molina di biento na Urirama. En coneccion cu esaki nos tin pregunta entre otro riba e funcionamiento di e promer parke di molina na nos Pais na Vader Piet. Nos a haci e preguntanan aki na WEB NW, pero nos no a recibi un contesta concreto.

En bista di esaki, mi tin e siguiente preguntanan, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

1. Na Vader Piet tin 10 molina cu e capacidad di 3 MW. Dus nos lo por spera un produccion total di 30 MW of manera a wordo calcula na 18 MW pa dia (info riba website di WEB). Pero for di e informacion riba e produccion nos por mira cu e average di produccion den 2010 y 2011 ta solamente 12 MW. Minister por splica pa ki motibo e produccion ta menos cu locual ta e capacidad di e molinanan of locual a wordo calcula?
2. Minister por indica cuanto MW nos ta consumi na Aruba pa dia y cuanto porcentahe di esaki ta wordo cubri door di e coriente di Vader Piet?
3. Minister por indica cuanto MW di e consumo total di coriente na Aruba ta wordo genera na Vader Piet?
4. Minister por indica cuanto bari di fuel oil ta wordo usa menos door di hasi uso di e coriente genera pa Vader Piet?
5. Miinister por indica cuanto placa WEB a spaar na fuel oil door di cumpra e energia limpi for di Vader Piet?
6. Nos ta conciente cu energia limpi por ta mas caro cu energia produci pa fuel oil. Si no tin un besparing, Minister por splica cuanto mas WEB mester paga pa e energia limpi?
7. Pa WEB por a tuma coriente for di Vader Piet, na WEB of pafor di WEB su instalacionan mester a haci algun inversion. Minister por duna nos un bista di inversionan a wordo haci den WEB of pafor di WEB y cuanto esaki a costa?
8. Pa e parke di Vader Piet nos tin entendi cu tambe a traha un Social and Environmental Impact Assessment. Minister por indica si den e rapport aki a investiga si tin risico y cual risico lo por tin pa salud di esnan biba den e vecindario di Vader Piet?

Nos ta spera di por haya contesta **por escrito** riba e preguntanan aki mas pronto cu ta posibel pa asina nos por prepara nos mes debidamente pa e debate proximo riba Urirama.

Atentamente,



mr. Xiomara Ruiz-Maduro
Parlamentario Fraccion MEP